



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2024/0043
Data e Vendimit: 15.01.2024

Në bazë të nenit 105 pika 1 dhe 2 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik OE "KRASNIQI" SH.P.K., kundër Njoftimit të kontratës lidhur me aktivitetin e prokurimit “Ri Tenderim - Shërbimet e pastrimit të brendshëm dhe sanitarisë në Spitali Përgjithshëm Gjilan” me numër të prokurimit 220-70001-0731-23-8855-2-1-1, iniciuar nga autoriteti kontraktues (AK) – SPITALI I PËRGJITHSHËM GJILAN, Kryetarja e Organit Shqyrtues të Prokurimit Vjosa Gradinaj Mexhuani me datën 15/01/2024, mori këtë:

Vendim

1. Hedhet si e palejuar, ankesa e "KRASNIQI" SH.P.K. me nr. të protokollit 2024/0043, e datës 12/01/2024, ankesë kjo e parashtruar për aktivitetin e prokurimit “Ri Tenderim - Shërbimet e pastrimit të brendshëm dhe sanitarisë në Spitali Përgjithshëm Gjilan”, me numër të prokurimit 220-70001-0731-23-8855-2-1-1, inicuar nga autoriteti kontraktues (AK) – SPITALI I PËRGJITHSHËM GJILAN.

2. I lejohet, autoritetit kontraktues – SPITALI I PËRGJITHSHËM GJILAN që të vazhdojë më tutje me aktivitetin e prokurimit “Ri Tenderim - Shërbimet e pastrimit të brendshëm dhe sanitarisë në Spitali Përgjithshëm Gjilan”, me numër të prokurimit 220-70001-0731-23-8855-2-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Arsyetim

-Faktet dhe rrethanat procedurale-

Organi Shqyrtues i Prokurimit në sistemin elektronik me datë 12.01.2024 ka pranuar ankesën me nr.0043/24 nga "KRASNIQI" SH.P.K., lidhur me aktivitetin e prokurimit me titull: "Ri Tenderim - Shërbimet e pastrimit të brendshëm dhe sanitarisë në Spitali Përgjithshëm Gjilan" me numër të prokurimit 220-70001-0731-23-8855-2-1-1, inicuar nga SPITALI I PËRGJITHSHËM GJILAN në cilësinë e Autoritetit Kontraktues.

Me datë 22.08.2023 SPITALI I PËRGJITHSHËM GJILAN ka publikuar B05-Njoftimin për kontratë lidhur me aktivitetin e lartcekur. Sipas këtij njoftimi afati i fundit për pranimin e tenderëve është 13.09.2023. Ndërsa me datën 04.01.2024 ka publikuar B54 Formularin standard për korrigjimin e gabimeve në njoftimet e publikuara, sipas këtij formulari afati i fundit për pranimin e tenderëve është 15.01.2024.

Me datë 09.01.2023 ora 16:23 OE "KRASNIQI" SH.P.K., kishte bërë kërkesë për rishqyrtim pranë AK-së ndërsa me datë 10.01.2023 AK ka refuzuar kërkesën për rishqyrtim të operatorit ekonomik si të jashtafatshme për shqyrtim.

- Vlerësimi dhe administrimi i provave –

Nga provat e prezantuara vërtetohet se për aktivitetin e prokurimit "Ri Tenderim - Shërbimet e pastrimit të brendshëm dhe sanitarisë në Spitali Përgjithshëm Gjilan" me numër të prokurimit 220-70001-0731-23-8855-2-1-1, inicuar nga SPITALI I PËRGJITHSHËM GJILAN në cilësinë e Autoritetit Kontraktues njoftimi për kontratë është publikuar në sistemin e-prokurimi me datë 22.08.2023, ndërsa me datën 04.01.2024 AK ka publikuar B54 Formularin standard për korrigjimin e gabimeve në njoftimet e publikuara, sipas këtij formulari afati i fundit për pranimin e tenderëve është 15.01.2024. OE "KRASNIQI" SH.P.K., kishte bërë kërkesë për rishqyrtim pranë AK-së me datë 09.01.2023 ora 16:23, e cila edhe është refuzuar si e jashtafatshme nga AK me datë 10.01.2023.

Zyra për pranimin e ankesave, pas pranimit të ankesës, gjatë verifikimit nëse ankesa është dorëzuar sipas rregullave dhe dispozitave ligjore, ka konstatuar se ankuesi kërkesën për rishqyrtim tek Autoriteti Kontraktues e ka paraqitur jashtë afateve ligjore.

OE ankues ka qenë i obliguar që në pajtim me paragrafin 3.1 të nenit 108/A të LPP-së, brenda afateve ligjore të parashtroj kërkesë për rishqyrtim në AK dhe vetëm pas udhëheqjes së procedurave paraprake në AK, Operatori ekonomik në pajtim me nenin 109 të LPP-së do të mund ti drejtohet me ankesë OSHP-së.

Neni 108/A paragrafi 3.1 i LPP-së përcakton se operatori ekonomik ankues kërkesën për shqyrtim duhet të dorëzojë tek autoriteti përkatës kontraktues: *në qoftë se shkelja e supozuar ka të*

bëjë me njoftimin e kontratës ose me dokumentet e tenderit brenda pesë (5) ditëve para afatit të fundit për dorëzim të ofertave.

Po ashtu, edhe neni 60.1 pika a) në Rregulloren 001/2022 për Prokurim Publik përcakton se: *Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0).*

Si dhe neni 5 i LPP-së përcakton se: *Afatet kohore të këtij ligji duhet të fillojnë në një ditë pune dhe të përfundojnë në një ditë pune. Afati kohor i shkon deri në 16:00 në ditën e skadimit. Autoriteti kontraktues mund të vendosë që të caktojë një kohë tjetër me kusht që ai është jo më herët se në ora 12:00 të ditës së skadimit.*

Duke u bazuar edhe në interpretimin e KRPP-së të datës 07.11.2023 dhe dispozitave të lartcekura OSHP thekson se sipas Njoftimit për kontratë afati i fundit për pranim të tenderëve ishte data 15.01.2024 andaj OE ankues "KRASNIQI"SH.P.K., ka qenë i obliguar të paraqes kërkesë për rishqyrtim brenda afateve ligjore.

Konstatohet se ankesa e parashtruar në Organin Shqyrtues të Prokurimit me datë 12.01.2024 nga OE "KRASNIQI"SH.P.K., për aktivitetin e prokurimit me titull: "Ri Tenderim - Shërbimet e pastrimit të brendshëm dhe sanitarisë në Spitali Përgjithshëm Gjilan" me numër të prokurimit 220-70001-0731-23-8855-2-1-1, inicuar nga SPITALI I PËRGJITHSHËM GJILAN në cilësinë e Autoritetit Kontraktues, hedhet si e pa lejuar sepse ankuesi nuk ka parashtruar kërkesën për rishqyrtim brenda afateve ligjore kundër njoftimit të Autoritetit Kontraktues. Andaj Organi Shqyrtues i Prokurimit sqaron se vetëm pas udhëheqjes së një procedure paraprake të rregullt dhe brenda afateve ligjore pranë AK, ankuesi mund ti drejtohet me ankesë OSHP-së.

Megjithatë, OSHP gjithnjë niset nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kriterëve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen *vetëm në kriteret e nevojshme* për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues **nuk duhet** që të përfshijë, saktësojë ose përdorë kriteret e përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji. Andaj Paneli Shqyrtues i vë në dijeni AK se në çdo aktivitet duhet të veproj konform dispozitave dhe autorizimeve ligjore siç parashihen ato me nenet 1,6,7, 27,28,51,59,60,65,69,70 të LPP.

Si përfundim kjo ankesë është në kundërshtim me nenin 108/A dhe 109 të Ligjit për Prokurim Publik, dhe nenit 60 të Rregullores 001/2022 për Prokurim Publik, dhe si e tillë hedhet si e pa lejuar dhe nuk hynë në shqyrtim nga OSHP. Ndaj kësaj ankese nuk është pranuar tarifë për shqyrtim.

Kryetarja e OSHP-së, duke u bazuar në atë që u tha si më lartë, vendosi si në dispozitiv të këtij vendimi.



Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimit të vendimit.

Vendimi t'i dorëzohet:

- **AK - SPITALI I PËRGJITHSHËM GJILAN**
- **OE - "KRASNIQI"SH.P.K.**
- Arkivës së OSHP-së: